

*Eclesia (Ephes. v, 32). Nascitur nempe ab humilitate A exempli altitudo mysterii. Si ex duobus dicitur unum facere copula corporalis, quare totam Trinitatem non solidaverit una substantia? aut cum dicamus, in terrenis separari non licere quod Deus junxit per concordiam, quanto periculo in supernis separari velimus quod Deus junctus est per naturam? Jam ut illud *laetacum* quod scriptum est, quod *multitudinis credentium erat anima una, et cor unum* (Act. iv, 32): quorum singula corda unum cor reddebat unanimitas, sicut proprias in Trinitate personas solidat et exunit aequalitas.*

## AP PHILIPPENSES.

I. *Qui cum in forma Dei esset, semetipsum exinanivit.*

II. *Factus obediens usque ad mortem.*

III. *Propter quod Deus illum exaltavit, et donavit illi nomen quod est super omne nomen.*

IV. *Ut in nomine Jesu omne genu flectatur.*

V. *Et omnis lingua confiteatur quia Dominus Jesus in gloria est Dei Patris.*

VI. *Item de eodem.*

## I.

(Ex libris Contra Phantasma.)

*Cum in forma Dei esset, semetipsum exinanivit formam servi accipiens, et humiliavit semetipsum usque ad mortem, mortem autem crucis (Philipp. ii, 6-8).* Verus Deus est qui dignatur inclinari; verus homo est, qui potuit mori. *Propter quod, inquit, et Deus pater exaltavit illum, et donavit illi nomen quod est super omne nomen.* Inter eum qui dat, et eum qui accipit honorem, trium est omne nomen. *Imum est homo, medium angelus, sumnum Deus.* Hoc nomen donavit quod super omne nomen est, non ei quem genuit, sed illi quem misit, qui factus est obediens usque ad mortem. Aut quid novum est, credi in eos formam servi, qui nec maledicti opprobria ferre despexit? Apostolo protestante, *eum qui non noverat peccatum, pro nobis maledictum fecit (II Cor. v, 21).* Quia scriptum est, inquit, *Maledictus omnis qui pendet in ligno (Gal. iii, 13).* Propter quod exaltatus est, ut in nomine Jesu, omne, id est non solum hominis, verum etiam angeli, genu flectatur: ei scilicet qui secundum ejusdem Apostoli dictum, *propter vos pauper factus est cum dives esset (II Cor. viii, 9), dives ab aeternitate, pauper ex ventre; dives in coelis, pauper in pannis.*

## II.

(Ex libris Contra Arianos.)

Non per hoc minuit aequalitatem Filii Dei, quod filius hominis obediuit. Quomodo enim non obediret Patri, qui subditus erat matri? dicente evangelista de parentibus ejus: *Et venit Nazareth, et erat subditus illis (Luc. ii, 51).* Sic enim factus est, dicente Apostolo, *obediens usque ad mortem (Philipp. ii, 8), sicut ipse Dominus dixit, Tristis est anima mea usque ad mortem (Math. xxvi, 38).*

## III.

(Ex libris Contra Arianos.)

An forte solus Pater dicendus est Dominus? In Evangelio Christus discipulis ait: *Vocatis me Magistrum et Dominum, bene dicitis; sum enim (Joan. xiii, 13).* Et Apostolus ait (*Philipp. ii, 8, 9*), quod post mortem Christi, mortem autem crucis, exaltaverit eum Pater, et dederit ei nomen, ut in nomine Iesu omne genu flectatur, cœlestium, terrestrium et infernorum, id est adoret, dicente alibi ipso Domino, *Dominum Deum tuum adorabis, et illi soli servies (Math. iv, 10).*

## IV.

(Ex sermone de Pentecoste.)

*Crux illa in qua vita pendente mors perii, sicut in passione evangelista Joannes enarrat (Joan. xix, 20), quia multiplicem capere non potuit, triplicis linguae pagina fuit: ut a toto mundo incunctabiliter crederetur, quod Hebraicis litteris, nec non Latinis Græcisque conscriptum, quasi in ore trium testium firmaretur; ac deinceps omnis lingua confiteatur quia Dominus Jesus in gloria est Dei Patris (Philipp. ii, 11), id est in una cum Patre. Quod quamlibet aliquorum intentio negare persistat, et si non omnium sermo, certe omnis lingua proclamat.*

## V.

(Ex libris Contra Arianos.)

Dixi cum Patre Filio aequalem gloriam honorem quo nos dicere: quia legimus, *Ut omnis lingua confiteatur quod Dominus Jesus Christus in gloria est Dei Patris (Ibid.).* Si tantummodo dixisset in Dei, forte putaretur, esto in Dei, certe minoris; at cum in Patris gloria, quid inaequale? quid exiguum? quid divisum? Non enim in angelica vel humana, sed in gloria est Dei Patris. Alias autem, nisi aequalis gloria ista creditatur, contra ipsius Domini iussionem (Joan. v, 23), non omnes sic honorificabunt Filium, sicut honorificant Patrem. Nulla enim ratione sic honorari poterit major ut minor. Sed quicunque non sic honorificaverit Filium sicut honorificat Patrem, quidquid gloriæ Dempserit, contumelie deputavit.

## VI.

(Ex sermone in dedicatione ecclesiæ archangeli Michaelis.)

Iste sit ille, quam dulcis, tam terribilis locus, in quo Jacob (*Gen. xxviii, 17*) cernens Dominum scalis innixum, perque eas ascendentibus descendentesque angelos videns, domum Divinitatis intelligit: ubi parato mysteriis lapide caput effultus, futu:orum eius: us aptavit unguentum: sive cum passuri Media-toris pendulum crinem, justificatae peccataricis obsequio, fragrantis alabastri unda perfudit: ut quod lapidibus vivis in spiritualem fabricam congruenter necessarium fluaret, ex irriguo angularis lapidis fonte manaret, siveque Abrabæ filii per lavacrum ex lapidibus suscitati, ut ariditate in contagii naturalis evadant, odoriferi ehrismatis munere gratia secundante pinguescerent. Istud Jacob sopitus vidit in spiritu, expergefactus gessit in signo. Cum nobis inde oratio

consecrantis inclamat, nobis ibi somnium dormientis A invigilat. Scilicet vero quas vidit, gradus sunt supplicationis humanæ, quibus quisque pro viribus in divinas aures precum qualitate mittatur. Ascendunt autem per eas angel'i, cum vota nostra in cœlum porrigitur: descendunt, cum de cœlis obtenta transmittunt. Assistunt hi precibus nostris, non pennarum flatu, sed donorum spiritu, quorum voluisse est. Interque hos sibi vindicat Michael princeps principem locum, quem Daniel (x, 13) ille sublimis vir desideriorum, visionum potens, dissolutor ænigmatum, expositor figurarum, hebdomadæ triplicis servante jejuno, parum fuit ut haberet visibilem, nisi acciperet adjutorem. Quocirca etiam hic Michael noster, sinceritate voti, jocunditate loci, devotione populi, provocatus adstat, conferendo magna, maxima obtainendo, conspectum Divinitatis quo semper illustratur, hue attrahat. Ad quem, quia multis Scripturarum loc's agnovimus, subvehentibus angelis, sive quod pium poscit, sive quod rectum geritur pervenire, acceptabilium operum salubriumque votorum prospiciamus in studio beatitudinem, qui providimus in archangelo portitorem.

## AD COLOSSENSES.

## I. Qui est principium primogenitus ex mortuis.

## I.

(Ex sermone die primo Paschæ.)

Fit Christus in hodierna festivitate non unigenitus, sed, sicut Apostolus dicit, *primogenitus ex mortuis* (*Coloss.* i, 18). Video tamen posse aliquos hic morari cur Christus primogenitus ex mortuis nominetur, cum factum sit, sicut plerumque nos sacer cœlestium lectionum cursus instruxit, ut aliquos mortuorum, etiam sanctorum intercessione redivivos, laxatis naturæ vinculis, lux secunda susciperet. Quod admirabiliter quoque ac triumphaliter ipse Dominus fecerat (*Matt.* ix, 24; *Luc.* vii, 42; *Joan.* xi, 45), cum prohibitis prius duobus spiritibus de inferno, corporibus de sepulcro, Lazarum novissime suscitans, jussione tertia, die quarta, non de sauce, sed quodammodo de ventre mortis, vincitas funere, putredine relaxatas, fetentes tempore, jussione viventes retraxit ex-equias. Sed quicunque sic temporaliter resurrexerunt, ut deinceps morerentur, hos mortuorum primicias, id est primogenitos ex mortuis, quod de solo Christo dictum est, appellare non possumus. Siquidem isti de morte cum mortis vinculis revertentes, nec sub remedio, sed adhuc sub chirographo, non sunt a conditione liberi, sed pro opportunitate laxati. Christus autem resurgens, ut Apostolus ait, *jam non moritur, mors ei ultra non dominabitur* (*Rom.* vi, 9). Ergo hactenus ipse solus est, qui non moritur resurrexit; hoc etiam suis postmodum largitus, cum eos a morte perpetuo victuros resuscitabit. Quocirca illa jam secunda letitia erit, qua fideles resurgent. Cæterum primum resurgendi gaudium primogenito ex mortuis jure debetur.

## AD THESSALONICENSES PRIMÆ.

I. Quoniam ipse Dominus in jussu et in voce archangeli, et in tuba Dei, etc.

II. Rapiemur in nubibus obviam Christo in aera.

III. Item de eodem.

## I.

(Ex sermone de Ascensione Domini.)

Vas electionis gentium doctor, in quo adhuc mortali homine angelicus sermo vivebat, cum resurrectionem mortuorum non mortuo sermone describeret, Dominumque nostrum in jussu, id est cum imperio, et in voce archangeli adflore, quasi cum præconis terrorem monstraret, tum deinde, inquit, etiam nos rapiemur in nubes obviam Christo in aera (*I Thess.* iv, 15). Tunc erit possibile quod modo arduum.

B Quod nunc in Christo veritas divinitatis, tunc in nobis poterit similitudo. Tunc etiam nostris aera pedibus subjugato, levibus elementis defæcatorum corporum nembra ponemus: si tamen veniente eodem rege nostro, non in præteritum timida differendi conscientia retrahat, sed fida securitas ad percipendam citius dignitatem gloriæ cœlestis occurrat.

## II.

(Ex sermone die primo Rogationum.)

Præparare in occursum Dei tui, Israel (*Amos.* iv, 12). Dicit quidem Paulus apostolus, ubi Redemptoris (*I Thess.* iv, 15) describit adventum, qualiter rapiemur ad nubes obviam Christo in aera. Hic tamen puto occursum istum ad alium pertinere. Nam et bic viventes quasi occurrimus Deo, si præceptum quod porrigitur amplectimur: et quia paratus est ille ad ignoscendum, occurrat ei correctio ad poenitendum. Sed et quicunque propter amorem æternæ vitæ, non solum ab illicitis abstinet, verum etiam a licitis se cœrcet, sponte occurrisse judicandus est. Nam, ut exempli gratia unum quodcumque dicamus, adulterio generaliter interdicto, simplex conjugium lege permittitur; cui tamen virginitatis nitor sine comparatione præfertur: unde qui dat nuptum virginem suam bene facit, et qui non dat melius facit (*I Cor.* viii, 38). Hoc ergo de omni debemus observatione sentire. Qui male facit, fugit; qui bene, expectat; qui melius, occurrit.

## III.

(Ex libris contra Arianos.)

Intelligendum est, quod dicente filio, *Nemo ascendet in cœlum, nisi qui de cœlo descendit* (*Joan.* iii, 13), divinitatis tantum potestas unde venerat ascensura dicatur, non eo modo quo ascensum sanctis vel tribuit idem Dominus, vel promisit. Ex quibus Enoch (*Hebr.* xi, 5) propter meritum translatus a terris, Elias (*IV Reg.* ii, 11) curru elatus est cœlis. Taceo illum qui (*II Cor.* xii, 2, etc.) in corpore an extra corpus nescio Deus scit, in triplicibus supernorum secretis audivit verba quæ non licebat hominibus eloqui, quia videbat arcana quæ non licuerat mortaliibus intueri. Sed forte parum videtur de ascensu fidelium personalia replicari. Noverat videlicet Apo-

stolus præmia futurorum, cum sponderet illis ad quos scribebat (*Philipp.* iii, 20), quod recte viventium conversatio jam nunc esset in cœlis, quo utique post resurrectionem corporis et habitatio servaretur: sicut et Dominus noster discipulis suis in Evangelio Joannis insinuat dicens: *Vado parare vobis locum. Et si abiero, et pararero vobis locum, iterum venio, et accerso vos ad me, ut ubi ego sum et vos sitis (Joan. xiv, 2).* Juxta quam promissionem sancti in cœlo futuri sunt. Nunquid sine ascensu celsitudinem regni cœlestis intrabunt? Et quomodo *Nemo ascendet in cœlum, nisi qui de cœlo descendit (Joan. viii, 43)?* Sed quia incommutabilis veritas, tam de se falli cum protestatur, quam de nobis fallere non potest cum pollicetur; quamlibet illic cum illo futuri sint qui fuerint glorificandi, ille solus ascendit qui levari alterius ope non indiget. Cui cum voluit solide substratus est aeris gradus. Cujus quo revertentis, de superno vigore vibratum, de terrestri substantia corpulentum, viæ famulata pendenti sustinuit aura vestigium. Præter hunc ergo solum, cui, ut sæpe jam dixi, per duplum generationem suppetuit hæc potestas, multi in cœlo futuri sunt, sed nullus ascendet. Quia ut impleatur fidelibus divina promissio, non ascensuris, sed assumendis dabitur altitudo. Quod prævidebat Apostolus (*I Thess. iv, 15*), cum sociandos nos Domino, et apud ipsum semper futurus, per nubem rapiendos in aera præmoneret. Porro intelligi promptum est, quod alieno subiectus arbitrio non graditur propria libertatis sponte qui raptur. Nec semper invitatos rapi rearis: frequenter raptos suos monstrat et gratia. Siquidem teste Evangelio (*Joan. vi, 44*), et Pater trahit qui ad Filium veniunt, et a violentis raptur regnum cœlestis (*Matth. xi, 12*). Quæ sic rapina desiderii sui sancti efficit compotem, ut Dei cui hoc violenter eripitur, magis provocet largitatem.

## AD TIMOTHEUM PRIMÆ.

- I. *Unus mediator Dei et hominum, homo Christus Iesus.*
- II. *Si quis episcopatum desiderat, bonum opus desiderat, etc.*
- III. *Cum enim luxuriantes fuerint in Christo, nubere volunt, etc.*
- IV. *Nihil intulimus in hunc mundum, etc.*

## I.

(Ex libris contra Arianos.)

In Christo Deus et homo, non alter, sed ipse: non duo ex diversis, sed unus ex utroque mediator. Genera quidem substantia, sed una persona est. Quam solidatem si quis scindere dualitatem præsumat, primum est quod publice contra Apostoli sententiam profitetur, dicentem: *Unus mediator Dei et hominum Christus Jesus (I Tim. ii, 5).* Deinde eligat. Beccesse est de duobus, id est divina humanaque, quam naturam mediationis hujus velit mysteria suscepisse. Si solus Deus mediator, non est alius apud quem intercedat: si solus homo, non est qui recon-

A ciliare prævaleat. Junge porro ut sit (*II Cor. v, 19*) Deus in Christo, et est mundum reconcilians sibi. Ipse videlicet penes quem agendum est, ipse qui agat: sic idem missus, et idem regressus; sicut ipse judicatus, et ipse judicaturus.

## II.

(Ex sermone de ordinatione episcopi.)

Superest nunc, ut lectionis hujus samper meminerit, quæ peculiariter ei nunc lecta est, inclamante Apostolo, acclamante populo, conclamante iudicio, *Si quis episcopatum desiderat, bonum opus desiderat (I Tim. iii, 1).* Solent autem plerique propriæ ambitionis incendium dicti hujus apostolici quasi refrigerio temperare, quod jam et libertate permissa res boni operis concupiscatur. Sed statim cessaret tale desiderium, si sequentia tractarentur. Oportet, inquit, *hujusmodi irreprehensibilem esse (Ibid., 2).* Illic secum rogo crescentis ambitus et animosa honorum vota decertent: hic permissam sibi desiderii securitatem merita semetipsa scrutata considerent; si ab omni interdictæ reprehensionis nævo candida divinæ imaginis integritas custoditur; si quandounque mentis impetus moderationis limitem non excessit; si quibuscumque indigentibus superfluum quipiam manus non tenuit; si nunquam sermonis petulantia honestatem silentii salubrioris irruptit; si (*Ephes. iv, 26*) calentem diei ferventis iracundiam limes occidui solis absolvit; si nunquam corde duplice diversum sonantis cogitantisque aliud verba quam vota moliuntur; si ad ultimum digna observantiae cura, ut de juramentis taceam, vel perjuria formidantur. Non quod ab his omnibus liberi esse omnes possimus, sed quod periculorum sit unumquemque merita sua non recolere, et quod solis irreprehensibilibus debetur, ambiare. Jam quid de illis dicatur, quos pretiositatem gratiae pretij vilitate mercantes, usque ad jacturam pecuniae verecundiae jactura producit? Quorum acclamationibus militant conducta mendacia, quorum prurientes scalpentibus præconis aures mercenarius clamor inflamat; quique non reminiuntur Simonem Magum (*Act. viii, 18*) divini munieris dispensationem pretio voluisse mercari, cum pecunia sua non in sacerdotium, sed in interium deputantur. Libere ergo hæc coram ambitu electio compulsoque detester: placere Deo penitus nequit, qui usque ad sui electionem sibi ipse placuerit. Quin potius de innocentum antistitutum labore dicamus. Neque enim levis est administraturi causa pontificis, quem nanet dupliciter, sermo ut populi magistrum, actus ut Christi discipulum: qui plebem non minus pietate quam severitate recturus est. Quem timere convenit dispendiis suis, quem communicare non convenit criminibus alienis. Qui alium onerat se contestante, qui damnum patitur alio perente. Quando audit, *non turpis lucri cupidum*, temperaturus est ut sit cupidus, et quidem lucri, nec tamen turpis: id est, ut studeat commissa sibi talents assidue prædicationis sermonibus expolire, et acquisita multiplicataque gregis sui salute geriatur.